


中國古典文學基本叢書

中華書局

張說集校注

第三冊



中國古典文學基本叢書

張說集校注

第三冊

〔唐〕張說 著
熊飛 校注

中華書局



張說集校注卷十七

碑

贈涼州都督上柱國太原郡開國公郭公（神道）

碑（銘並序）（一）奉敕撰

四時平分（三），清秋之氣勁；五方異俗，崆峒之人武。故隴上多豪，山西出將，其有雲龍感召，星象特生，金鼓登壇，隱如敵國；麾幢指塞，自比長城，得之於太原公矣。公諱知運，字逢時，其先太原著姓，今則晉昌人也。本乎文王之弟（三），是爲虢叔①，虢或云郭，因而氏焉。自燕昭尊隗以築宮②，漢祖封亭以列國③，其侯於陽曲，宅彼太原舊矣。亭之玄孫友，從太原徙隴西；昭帝分隴西置西平（四）④，郭氏又爲郡之右族。友之昆孫武威太守憲⑤，憲之猶子散騎常侍芝⑥，俱有名迹（五），見於魏晉。則晉昌諸宗，散騎之後

也。爾乃一門連譽，時人號曰三儒^⑦；四海齊名，天下謂之八顧^⑧。光祿派分於馮翊^⑨，廷尉世茂於潁川^⑩，孝則天錫金金^⑪，忠則帝章冕服^⑫，仁則猛獸不害^⑬，信則童兒不欺^⑭。豈直介休見有道之碑^⑮，略陽聞立德之傳而已^⑯。曾祖欽，瓜州大黃府統軍、上柱國；祖才，朝議郎、瓜州常樂縣令^⑰、上柱國；父師，朝散大夫、上柱國、贈伊州刺史。磧鹵之地，戎馬生郊，業戰鬪而弘勲^⑱，仕州縣而爲達。啓莫京之繇^⑲，福不在於其身；積無聲之善^⑳，慶必流於後嗣。公太白之精^㉑，雷泉之靈^㉒，膺家之禎，爲國而生，身長七尺，力能扛鼎，猿臂虎口，虬鬚鸚麟^㉓，射穿七札^㉔，劍敵萬人^㉕。子卿路逢，遙識將軍之相^㉖；唐舉一見，足辨封侯之骨^㉗。解褐以善戰授昭武校尉、秦州三度府左果毅。以敗敵北庭^㉘，加遊擊將軍、沙州龍勒府折衝、兼右金吾郎將、瀚海軍副使。（尋改朝散大夫、伊州長史、伊吾副使）^㉙。以軍累破虜，即授其州刺史，進當軍經略使。朝廷以未愜前除^㉚，且有後命，遷本衛中郎將^㉛，仍舊爲州軍使。默啜之寇北庭也，公奔命解圍，軍聲大振，加雲麾將軍^㉜、右武衛將軍^㉝，封介休縣開國公，食邑二千戶^㉞。開元二年，吐蕃入隴右，掠坵牧，公兵以奇勝，寇不復蹤。積甲山齊而有餘，收馬谷量而未盡^㉟，歸功廟算^㊱，朝議多之。拜右羽林將軍^㊲，持節隴右諸州節度大使^㊳，兼鄯州都督、河源軍使。鎮西陲，信國之藩屏；坐北落，亦王之爪牙^㊴。

故人奉期門^②，而出分闔寄^③，於是料敵無備，間其師老，潛軍一舉，大俘九曲^④，鎖甲丈劍^⑤，焚馬犂牛^⑥。既獻戎捷，遂頒朝賜，乃兼鴻臚卿、攝御史中丞，封太原郡開國公，加前食邑三千戶。執憲總軍，典屬乘障^⑦，增爵益邑，遇厚恩深。俄而六州群胡^⑧，相率大叛，命公統隴右之騎，濟河曲之師^⑨，鋒鏑爭先，玉石俱碎，拜左武衛大將軍，授一子官，金銀器百事，雜綵千段。班師臨洮^⑩，遭茲虐疾，嗟乎，匈奴未滅，宿志不伸，生也有涯，死而猶視。開元九年十月二十二日^⑪，薨於軍舍，春秋五十有五。蕃夷邊鎮，血面椎心，悲慘風雲，號慟山谷。豈非良將，視人如子，人亦視猶父乎！皇帝閔焉，詔贈涼州都督^⑫，米粟五百石，錦帛五百段，命都水使者張景佚^⑬，備物護葬，遵朝典也。惟公氣猛而性和，量寬而精銳，沉謀可以掩蓍蔡^⑭，雄斷可以奪鬼神，故常糟粕韜鈴^⑮，芻狗風角^⑯。然其樹恩結信，立威用武，烜赫如風濤^⑰，震盪如雷雨^⑱，戰必克^⑲，攻必取。每有奏謁，帝特稱歎^⑳，孝文之得魏尚，虜不足憂^㉑；太祖之見郭嘉，知成吾事^㉒。前後錫錦衣寶帶^㉓，文馬素女，爛其盈門，長鳴在廐，感知己之主，陳必死之力。皇情西顧，則九羌疊鼓^㉔；詔書北伐，則六狄焚旗^㉕。上成聖君之玄鑒，下效武臣之素節，其竟也如此^㉖。夫爲人子，立廟致敬，祖考來格，不亦孝乎；爲人臣，恢疆禦侮，以勞定國，不亦忠乎；若然者，歸義方於先人，揚令名於後代可也。嗣子英傑，

起復定遠將軍、左領軍衛翊府中郎將，假紫服金章河西節度副大使^(四)；英奇朝散大夫，前尚輦奉御；英協遊擊將軍，前京兆府勵行府右果毅都尉^(四)；英彥朝議郎，前左衛胄曹參軍等^(四)^③，咸善居喪而過哀，或從王事而奪禮^(四)。則知辛賢父子，繼位將軍^⑤，祭彤兄弟^(四)，並參師律^⑧。去本不戀^(四)，達也；而新是謀，權也。嘉此武功，創其宅兆，以十年七月，葬於太原^(四)。夫人燉煌索氏祔焉，禮也。皇上念功以惜逝，厚終以遇存，有詔詞人，爲其碑志，介士送葬，即封征虜之墳^③；單于入朝，當祭度遼之墓^④。銘曰：

觥觥將軍^(四七)，雄略冠群^(四八)，平西征北，震戎疊獯^(四九)^④。亭障卧鼓，屯田饋軍，仗此白刃^(五)，致彼青雲。郭侯宴喜，既多受祉，玄牡黻衣^(五)，清廟蠲祀。鼎食金奏，炮鱉膾鯉，既來不庭^(五)，有嚴天子^④。流沙博望^③，羽林飛騎^(五)，河曲迴兵，臨洮舊防^(五四)。手握金節，魂沉玉帳，千里送喪，三軍悽愴。詔葬禮崇，恩碑義豐^(五)，生爲神將，死爲鬼雄。身世一滅，榮華萬空，祁連之墓，長旌武功。

【校勘】

〔一〕英華此碑題「冠軍大將軍郭知運神道碑」，「神道」二字據英華補，「銘並序」三字依例補。

〔二〕時，英華、文粹、全文作「序」，英華注：「集作時。」

〔三〕文王之弟，英華作「文武之弟」，聚珍、朱刻作「文王之子。」

〔四〕西，英華無此字。

〔五〕俱，英華作「其」，無注。

〔六〕顧，伍刻作「碩」，文粹、朱刻作「凱」。

〔七〕章，英華作「彰」，注：「集作章。」

〔八〕略，底本原「洛」，據英華改。

〔九〕常，伍刻作「當」。

〔十〕弘，英華作「取」，注：「集作弘。」

〔十一〕莫，英華作「草」，無注。

〔十二〕聲，英華作「窮」，注：「集作聲。」

〔十三〕瞬，英華、聚珍、朱刻作「瞬」。

〔十四〕敵，英華、文粹作「狄」，英華注：「集作敵。」

〔十五〕改，朱刻作「加」。此下十四字底本原無，據英華、全文、聚珍、朱刻補。

〔十六〕末，英華作「永」，無注。

〔十七〕本衛，伍刻作「本衛」，英華作「左金吾」，注：「三字集作本衛。」

〔六〕軍，英華此字下注：「集無此字。」清抄、聚珍、朱刻無「軍」字。

〔九〕武，英華作「府」，無注。

〔二十〕二千，英華作「三百」，注：「集作三千。」聚珍作「三千」。

〔三〕收，英華、朱刻作「牧」。

〔三〕廟，四庫作「未」。

〔三〕拜右，英華作「授左」，注：「集作拜右。」

〔四〕右，英華作「西」，注：「集作右。」

〔五〕出分闔寄，英華、文粹作「出寄分闔」，英華注：「集作出分闔寄。」

〔六〕丈，英華、文粹、伍刻、全文、朱刻作「文」。

〔七〕群，四庫作「郡」。

〔八〕師，英華作「兵」，注：「集作師。」

〔九〕班師，英華作「旋軍」，注：「集作班師。」

〔三十〕一，英華作「三」，注：「集作二。」

〔三〕涼，英華作「京」，無注。

〔三〕佚，英華作「洪」，注：「集作佚。」

〔三〕鈴，英華作「鈴」，無注。

〔三四〕烜赫，英華作「坦然」，注：「集作烜赫。」

〔三五〕震盪，底本原注：「唐文震盪作蕩震。」全文作「蕩震」。

〔三六〕克，英華作「勝」，注：「集作克。」

〔三七〕帝，底本原注：「唐文作上。」全文作「上」，伍刻闕此字。

〔三八〕錫，英華作「賜」，注：「集作錫。」

〔三九〕竟，英華作「意」，注：「集作竟。」

〔四十〕河西節度，英華作「隴右經略」，注：「集作河西節度。」

〔四一〕兆府，底本原注：「唐文無兆府二字。」英華、全文無「府」字。

〔四二〕前左衛曹參軍，聚珍「參軍」作「參將」；英華作「行右曹泰軍」，並於「右」字下注：「二字（指行右）集作前左衛曹。」按：英華注與文均有誤。

〔四三〕或，英華作「哉」，無注。

〔四四〕彤，四庫作「彤」。

〔四五〕去本不戀，英華作「知本不忘」，注：「集作去本不戀。」

〔四六〕於，底本原注：「唐文作我公。」英華、全文作「我公」，伍刻作「我」，無「公」字。

〔四七〕觥觥，文粹作「恍恍」，英華、全文作「洸洸」，英華注：「集作觥觥。」

〔四八〕群，英華作「郡」，無注。

〔四九〕疊，底本原注：「唐文作懾。」文粹、全文、朱刻作「懾」。

〔五〇〕仗此，英華作「伏茲」，並於「茲」字下注：「集作此。」

〔五一〕牡，英華作「社」，注：「集作牡。」黻衣，伍刻、清抄誤作「黻皮」。

〔五二〕既，英華作「即」，注：「集作既。」

〔五三〕飛騎，英華注：「集作騎飛。」

〔五四〕防，文粹、朱刻作「陟」。

〔五五〕恩碑義豐，英華作「樹碑恩豐」，注：「集作恩碑義豐。」

【解題】

《金石錄》卷五：「第九百六十八《唐郭知運後碑》：張說撰，梁昇卿八分書。開元十一年五月。《陳譜》據以置開元十一年（七二三）五月。按：郭知運神道碑有二，前碑爲蘇頌撰，魏華正書，開元十年七月立，在京兆；後碑張說撰，梁昇卿八分書，開元十一年五月立，亦在京兆（《類編》卷三）。《金石錄》與《類編》所署時間，均爲立碑時間，撰碑均應在其前。《舊唐書·郭知運傳》：「九年卒於軍，贈涼州都督……仍令中書令張說爲其碑文。」據此碑，知運九年十月二十二日卒於軍，以十年七月，葬於太原，夫人燉煌索氏附焉。蘇頌撰碑，當是葬京兆時所撰；張說奉敕撰碑，應爲與夫人合葬太原時所撰，時當在開元十年（七二三）七月前後。

【注釋】

①號叔：《左傳·僖五年》：「號仲、號叔，王季之穆也。爲文王卿士，勲在王室，藏於盟府。」杜注：「號仲、號叔，王季之子，文王之母弟也。仲、叔，皆號君字。」

②「燕昭」句：《史記·燕召公世家》：「燕昭王於破燕之後即位，卑身厚幣，以招賢者。謂郭隗曰：齊因孤之國亂而襲破燕，孤極知燕小力少，不足以報……先生視可者得身事之。郭隗曰：王必欲致士，先從隗始，況賢於隗者，豈遠千里哉？於是昭王爲隗改築宮而師事之。」

③「漢祖」句：《漢書·高惠高后文功臣表》：「河（《史記》作阿）陵頃侯郭亭：以連敖前元年從起單父……以都尉擊項籍功侯，七月庚寅封，二十四年薨。」

④「昭帝」句：據《元和志》，漢昭帝元始元年分隴西所置爲金城郡，非「西平」，後漢獻帝始置西平郡，屬涼州。

⑤憲：史未見武威太守郭憲之名，《後漢書》有郭先，字子橫，東漢汝南宋人，此人當非武威守郭憲。

⑥散騎常侍郭芝：郭芝，曾官漢中太守，並爲漢公昉撰《修廟記》（《集古錄》卷二）。漢末官大鴻臚，司馬昭曾遣之向太后索要皇帝璽綬（《通志》卷七）。

⑦三儒：《漢書·循吏傳序》：「孝武之……能以化治稱者，唯江都相董仲舒、內史公孫弘、兒寬，居官可紀，三人皆儒者，通於世務，明習文法，以經術潤飾吏事，天子器之。」東漢竇武、劉淑、陳蕃三

人亦齊名，不知三儒是否指此三人。

⑧八顧：《後漢書·黨錮列傳序》：「海內希風之流，遂共相標榜，指天下名士爲之稱號……郭林宗、宗慈、巴肅、夏馥、范滂、尹勲、蔡衍、羊陟爲八顧，顧者，言能以德行引人者也。」

⑨光祿：指西漢郭昌。因昌曾官光祿大夫，故稱。

⑩廷尉世茂於潁川：東漢郭躬，字仲孫，潁川陽翟人，官至廷尉。郭氏自後數世，皆傳法律，子孫至公者一人，廷尉七人，侯者三人，刺史、二千石、侍中、郎將者二十餘人（《後漢書·郭躬傳》）。

⑪孝則天錫金金：《搜神記》卷十一：「郭巨……於野鑿地，欲埋兒，得石蓋下有黃金一釜，中有丹書曰：孝子郭巨，黃金一釜，以用賜汝。」

⑫忠則帝章冕服：《左傳·襄二十九年》：「公謂公冶曰：吾可以入乎？對曰：君實有國，誰敢違君？公與公冶冕服，固辭，強之而後受。」冕服，古代統治者之禮服，有大裘冕、衮冕、鷩冕、毳冕、希冕、玄冕等六冕。冕同而服異，用於吉禮。《周禮·春官·司服》：「王之吉服，祀昊天上帝則服大裘而冕，祀五帝亦如之。享先王則衮冕，享先公、饗射則鷩冕，祀四望山川則毳冕，祭社稷五祀則希冕，祭群小祀則玄冕。」

⑬仁則猛獸不害：《宋書·符瑞志》：「白虎：王者不暴虐，則白虎仁，不害物。」

⑭信則童兒不欺：東漢郭伋爲并州牧，行部至西河，諸兒送至郭外。臨別，問使君何日當還，伋告之日期。行部既還，先期一日，伋爲違信於諸兒，遂止於野亭，須期乃入（《後漢書·郭伋傳》）。

⑮介休見有道之碑：東漢郭太，字林宗，太原界休人。太卒，四方之士千餘人皆來會葬，同志者乃共刻石立碑，蔡邕爲之撰文（《後漢書·郭太傳》）。郭太曾舉有道科，故稱「有道」。介休，縣名，即界休。漢太原郡有界休縣（《漢書·地理上》）。唐書作「介休」。

⑯略陽聞立德之傳：晉郭荷，字承休，略陽人。六世祖整，漢安、順之世，公府八辟，公車五徵，皆不就。荷明究群籍，特善史書，不應州郡之命。後使者迫而致之，署太子友。荷上疏乞還，許之，遣以安車蒲輪，送還張掖東山。年八十四卒，謚玄德先生（《晉書·郭荷傳》）。

⑰太白之精：《洞冥記》卷一：「俄有黃翁指阿母以告（東方）朔曰：昔爲吾妻，託形爲太白之精，今汝此星精也。」

⑱雷泉：神話傳說之水名，即雷淵，避高祖諱改。《楚辭》宋玉《招魂》：「旋入雷淵，靡散而不可止些。」宋洪興祖補注：「淵，文選作泉。……唐避諱，以淵爲泉。《山海經》云：雷澤中有雷神，龍身而人頭。」

⑲射穿七札：喻善射。七札，七層厚甲。札，甲之葉片。《左傳·成十六年》：「養由基蹲甲而射之，徹七札焉。」注：「一發達七札，言其能陷堅。」

⑳劍敵萬人：喻武藝高。《史記·項羽本紀》：「籍曰：書足以記名姓而已，劍一人敵，不足學，學萬人敵。於是項梁乃教籍兵法。」

㉑「子卿」句：謂爲真將軍。《史記·趙世家》：「異日，姑布子卿見簡子，簡子徧召諸子相之，子卿

曰：無爲將軍者。簡子曰：趙氏其滅乎？子卿曰：吾嘗見一子於路，殆君之子也。簡子召子毋恤，毋恤至，子卿起曰：此真將軍矣。」

②②「唐舉」二句：《史記·蔡澤傳》：「蔡澤者，燕人也。遊學于諸侯，小大甚衆，不遇而從唐舉相……唐舉孰視而笑曰：先生曷鼻、巨肩、鰓頰、蹙膊，吾聞聖人不相，殆先生乎！」後蔡澤果相秦。唐舉，春秋時之善相者。後世傳有唐舉《相顯骨法》一卷，《通志》卷六四、《肉眼通神論》三卷、《金鑑歌》一卷（《宋史·藝文志》）。

②③王之爪牙：謂爲君王之得力猛士。《詩經·小雅·祈父》：「祈父，予王之爪牙。」

②④期門：官名。漢武帝建元三年初置。掌執兵送從。平帝元始元年，更名虎賁郎（《漢書·百官公卿表》）。

②⑤九曲：地名。指漢大小榆谷地。在今青海化隆回族自治縣。

②⑥犍馬犛牛：犍馬，犍人之馬，犍爲我國古代西南地區之少數民族。犛牛，字又作髦牛、犛牛，此牛身體兩旁和四肢外側均長有長毛，故名。《史記·西南夷傳》：「巴蜀民或竊出商貨，取其笮馬、犍僮、髦牛，以此巴蜀殷富。」《正義》曰：「今益州南戎州北臨大江，古犍國。」

②⑦典屬：全稱典屬國，官名，秦置。掌蠻夷降者，漢武帝元狩三年，昆邪王降，復增屬國，置都尉、丞、候、千人，屬官，九譯令。成帝河平元年，省併大鴻臚（《漢書·百官公卿表上》）。

②⑧都水使者張景佚：景佚，蒲州河東人，家於岐。御史大夫加銀青光祿大夫漁陽郡公張知泰子

《舊傳》。開元末，曾官撫州刺史（《刺史考》）。都水使者，官名。秦漢有都水長、都水丞，主管陂池灌溉，保守河渠。唐設都水監，有都水監使者二人，正五品上（《舊志》）。

②掩蓍蔡：謂與卜筮之結果關合。蓍蔡，猶言蓍龜。蓍，蓍草；蔡，因蔡地出大龜，故以蔡爲龜。古時卜筮用蓍與龜，故以之代指卜筮。

③糟粕韜鈴：謂其用兵高明，不把兵法當回事。韜鈴，古兵書《六韜》與《玉鈴篇》之合稱。

④芻狗風角：謂把占候之術不當回事。芻狗，草與狗，輕賤之物。《老子》：「天地不仁，以萬物爲芻狗。」風角，古占候之術。《後漢書·郎顗傳》：「父宗，字仲綬，學京氏易，善風角、星算……能望氣，占候吉凶。」

⑤「孝文」二句：《漢書·馮唐傳》：「（漢文帝）迺拊髀曰：嗟乎！吾獨不得廉頗、李牧爲將，豈憂匈奴哉！」魏尚，漢文帝時名將。「魏尚爲雲中守……匈奴遠避，不近雲中之塞。」

⑥「太祖」二句：《三國志·魏志·郭嘉傳》：「太祖與荀彧書曰：自志才亡後，莫可與計事者。汝穎固多奇士，誰可以繼之？」或薦嘉。召見，論天下事，太祖曰：「使孤成大業者，必此人也。」太祖，指曹操；郭嘉，字奉孝，穎川陽翟人。曹操重要謀臣。

⑦九羌疊鼓：以諸羌人之血疊鼓以祭。九羌，猶言諸羌。羌，我國古代西部民族之一。《尚書·牧誓》：「庸、蜀、羌、髳、微、盧、彭、濮人。」傳：「八國皆蠻夷戎狄屬文王者國名。羌在西蜀，叟髳，微在巴蜀，盧、彭在西北，庸、濮在江漢之南。」疊鼓，《左傳·僖三十三年》：「君之惠，不以累臣疊」

鼓……三年將拜君賜。」杜注：「殺人以血塗鼓，謂之饗鼓。」血祭曰饗。

③六狄焚旗：言狄人覆師敗績。六狄，我國古代對北方民族之泛稱。《周禮·夏官·職方氏》：

「職方氏掌天下之圖，以掌天下之地，辨其邦國都鄙，四夷、八蠻、七閩、九貉、五戎、六狄之人民，與其財用。」焚旗，《左傳·僖十五年》：「車說其輶，火焚其旗，不利行師，敗于宗丘。」

④唐書二傳言知運有英傑、英乂二子，蘇張二公撰碑亦只及英傑、英奇、英協、英彥等四子，歐陽修《稽古錄》曾疑之。趙明誠在《金石錄·唐郭知運碑》跋中說：「余按《代宗實錄》云：英乂，知運季子。而元載所爲《英乂墓碑》亦云：隴右節度使知運，公之皇考也。然則英乂爲知運子無疑。又按《英乂碑》云：公以天寶二載筮仕，蓋知運以開元九年卒，明年立碑。碑所載諸子皆已有名位，英乂時方孩幼，且未從仕，故碑不載爾。余又嘗得徐浩所爲《英傑碑》有云：移孝於忠，二叶四將齊名，當代同氣十人。然則知運諸子，碑傳闕漏者尚多，不獨此三人而已。《德宗實錄》又有郭英幹，云英乂弟也。」

⑤「辛賢」二句：謂西漢辛武賢、辛慶忌父子相繼爲將軍。「辛武賢自羌軍還後七年，復爲破羌將軍……病卒，子慶忌至大官。」（《漢書·趙充國傳》）慶忌官至光祿大夫、執金吾，（慶忌）長子通爲護羌校尉、中子遵函谷關都尉、少子茂水衡都尉，出爲郡守，皆有將帥之風。（《漢書·辛慶忌傳》）

⑥「祭彤」二句：以潁陽人祭遵與從弟祭彤爲喻。祭遵，字弟孫；從弟彤，字次孫。二人皆東漢名

將。《後漢書》本傳贊：「祭遵好禮，臨戎雅歌，彤抗遼左，邊庭懷和。」

③「介士二句：此以祭遵爲喻。征虜，遵漢光武建武二年春拜征虜將軍。「至葬，（光武）車駕復臨，贈以將軍侯印綬，朱輪容車，介士軍陳送葬。」（《後漢書·祭遵傳》）」

④「單于二句：此以祭彤爲喻。度遼，指祭彤。建武十七年，拜彤遼東太守。「彤」撫夷狄以恩信，皆畏而愛之……烏桓、鮮卑追思彤無已，每朝賀京師，常過塚拜謁，仰天號泣乃去。」（《後漢書·祭彤傳》）」

④「疊獯：使獯鬻震懾。疊，恐懼；震懾。《詩經·周頌·時邁》：「薄言震之，莫不震疊。」毛傳：「疊，懼。」獯，獯鬻，我國古代北方少數民族名。夏曰獯鬻，周曰獫狁，漢曰匈奴。」

④「郭侯以下數句：語多融《詩經》成句。如《小雅·六月》：「吉甫燕喜，既多受祉」、「飲御諸友，無繁膾鯉。」《大雅·常武》：「赫赫業業，有嚴天子」、「四方既平，徐方來庭。」

④「流沙博望：以漢張騫爲喻。博望，張騫以通西域功封博望侯。」

右羽林大將軍王氏神道碑（銘並序）（一）奉敕撰

維大唐開元十五年閏九月二十二日庚申（三），右羽林大將軍持節河西隴右兩道節度使、營田九姓轉運十副大使兼赤水（軍）大使專知節度事①、攝御史中丞判涼州都督、上